



PLAN DE IGUALDADE DE OPORTUNIDADES ENTRE MULLERES E HOMES DO CONCELLO DE BARREIROS ANO 2013/2016

1. INTRODUCCIÓN.

A pertinencia da elaboración do presente Plan de Igualdade de Oportunidade entre Mulleres e Homes do Concello de Barreiros maniféstase na adaptación e respostas que debemos ofrecer a unha realidade específica, a realidade dunha sociedade galega de principios do século XXI, en constante cambio e evolución e, en concreto, a realidade en termos de desigualdades de xénero das mulleres e dos homes que viven no noso territorio municipal.

Coa presentación deste Plan queremos dar outro paso máis neste longo camiño que supón a loita por acadar a igualdade efectiva das mulleres e homes e, aínda que no concello se veñen desenvolvendo diferentes actividades neste senso, segue sendo preciso o compromiso de toda a cidadanía, e especialmente da administración, para promover e implantar medidas axeitadas a través das cales academos vivir nunha sociedade na que todas as persoas teñamos as mesmas obrigas e dereitos, sen que repercuta o sexo co que nacemos.

O municipio, pola súa proximidade ós/ás cidadáns/ás, é o marco privilexiado para desenvolver programas dirixidos a dar respostas a estas situacións. Para isto é necesario establecer unha serie de medidas que permitan acceder ó conxunto das mulleres ás canles socialmente establecidas para a súa incorporación ó mundo educacional, laboral, económico e de convivencia, contribuíndo a facer unha sociedade máis xusta, enriquecida coa achega específica dos seus valores, baseando as relacións na igualdade e o respecto á diversidade.

A estrutura deste plan presenta un deseño por áreas de actuación, as cales contemplan bloques temáticos plasmados en obxectivos xerais. Sendo un total de catro:

- Benestar social e saúde.
- Formación, emprego e inserción laboral.
- Educación, corresponsabilidade e conciliación.
- Abordaxe integral da violencia de xénero.



2. **AMBITO XEOGRÁFICO.**

Barreiros, é un Concello situado na franxa norte da provincia de Lugo, dentro da comarca denominada "A Mariña Lucense". Limita polo norte co Mar Cantábrico, polo leste co Concello de Ribadeo, polo sur cos Concellos de Trabada e Lourenzá, e polo oeste cos de Lourenzá e Foz.

As súa extensión é de 72,16 Km cadrados, e conta con 3.061 habitantes, segundo o Padrón municipal a 31/12/2012, agrupados nas seguintes parroquias: San Cosme de Barreiros, San Pedro de Benquerencia, San Xulián de Cabarcos, San Xusto de Cabarcos, Celeiro de Mariñaos, San Miguel de Reinante, Santiago de Reinante e Vilamartín Pequeno.

Dista da capital da provincia, Lugo, 91 Km. As vías principais de comunicación son a A-8 Autovia do Cantábrico e a estrada N-634 Santander - A Coruña que atravesa o Municipio de leste a oeste, e que na Cruz do Lobo se bifurca seguindo pola costa ata o Ferrol, e a estrada de Vegadeo a Pontevedra que se une á anterior en Vilamar. A liña férrea Ferrol -Xixón atravesa o Concello na franxa costeira.

Presenta un clima oceánico, con invernos suaves e húmidos e veráns frescos, proporciona unhas temperaturas entre 12 e 14 graos.

ESTRUTURA DA POBOACIÓN.

A poboación do Concello de Barreiros presenta unha característica que en xeral se produce na maior parte dos Concellos: un avellentamento da poboación, provocado por diversas causas, pero sobre todo polo menor número de nacementos que se producen ao longo do ano.


A poboación descendeu nos últimos anos, segundo os datos recollidos no noso Concello, o número de defuncións é moi superior ao número de nacementos, concretamente o número de nacementos no ano 2012 foi de dezasete cativos/as e o número de defuncións de cincuenta e catro persoas.



PLAN DE IGUALDADE DE OPORTUNIDADES ENTRE MULLERES E HOMES
DO CONCELLO DE BARREIROS ANO 2013/2016

NIVEL SOCIODEMOGRÁFICO.

O Concello de Barreiros conta cun total de 3.061 habitantes (a data 31/12/2012), dos cales 1.474 son homes e 1.587 mulleres.





A distribución por idade e sexo está bastante igualada nas idades comprendidas entre 0 e 69 anos, habendo unha diferenciación importante entre os maiores de 69 anos: contabilizáronse 289 homes e 472 mulleres.

O Concello de Barreiros presenta un saldo vexetativo, é dicir unha diferenza entre os nacementos e as defuncións, menor ó 1%, o que indica que o crecemento natural ou vexetativo é baixo.

No tocante á poboación estranxeira, tal e como se observa nos seguintes gráficos, hai un aumento nos últimos anos, tanto da comunidade europea como do resto. Contando cun total de 117 estranxeiros, dos cales 59 son homes e 58 mulleres. Pertencendo a maior parte a Brasil, Portugal e Marrocos.



PLAN DE IGUALDADE DE OPORTUNIDADES ENTRE MULLERES E HOMES DO CONCELLO DE BARREIROS ANO 2013/2016



Na actualidade o número de habitantes está por debaixo dos 3.500, aínda que na época estival, debido ao turismo de praia da zona, a poboación chega a triplicarse, dado o elevado número de familias que posúen unha segunda residencia no noso Concello para pasar as súas vacacións.



3. AREAS DE ACTUACIÓN

3.1. ÁREA DE BENESTAR SOCIAL E SAÚDE.

OBXECTIVO XERAL: Acceso á información e aos recursos da área social e canalización cara outros sistemas de ser o caso.

O obxectivo xeral desta liña de actuación será garantir á diversidade de mulleres o acceso á información e aos recursos públicos e privados, promovendo un acceso igualitario de homes e mulleres.

OBXECTIVOS ESPECÍFICOS:

- ✚ Asesorar e informar á poboación sobre os recursos específicos para as mulleres e para a igualdade existentes na nosa sociedade.

- ❖ Actuacións:

- Difundir o PIOM do Concello de Barreiros nos distintos departamentos e axentes sociais implicados (Centro de Saúde, Garda Civil, Colexios, Centros Sociais, Asociacións,...).
- Centrar a difusión dos recursos a través das novas tecnoloxías (internet).

- ✚ Contribuír ao desenvolvemento de hábitos saudables equitativos que minimicen os factores de xénero na saúde de mulleres e homes.

- ❖ Actuacións:

- Desenvolver actividades de tempo libre como espazo de benestar físico e de socialización (taller de memoria, viaxes, teatro, tardes de xogos...)

- ✚ Favorecer a integración social das mulleres do noso concello.

- ❖ Actuacións:



PLAN DE IGUALDADE DE OPORTUNIDADES ENTRE MULLERES E HOMES DO CONCELLO DE BARREIROS ANO 2013/2016

- Informar e orientar ás mulleres sobre tódolos dereitos e recursos que estean á súa disposición
- Apoiar calquera iniciativa que fomente a igualdade de oportunidades entre mulleres e homes (asociacións, actividades lúdicas relacionadas, voluntariado).

3.2. AREA DE FORMACIÓN, EMPREGO E INSERCIÓN LABORAL.

OBXECTIVO XERAL: Favorecer a inserción laboral das mulleres do Concello eliminando as barreiras que dificulten a súa plena incorporación.

OBXECTIVOS ESPECÍFICOS:

- ✦ Mellorar os niveis educativos/formativos das mulleres do Concello.
 - ❖ Actuacións:
 - Bolsa de Emprego Municipal, solicitando cursos formativos de cara á formación das mulleres.
 - Coordinación co Servizo Público de Emprego Estatal e outras Entidades implicadas na formación e promoción laboral (como a Aula Cemit municipal).
 - Colaborar na organización de cursos de formación que permitan a incorporación das mulleres ó mercado laboral que xurdan no ámbito municipal.

3.3. ÁREA DE EDUCACIÓN, CORRESPONSABILIDADE E CONCIALIACIÓN.

OBXETIVO XERAL: Fomentar a educación á cidadanía e a corresponsabilidade de homes e mulleres na asunción de tarefas habituais da vida familiar, tales como o coidado dos fillos/as, dos/as ascendentes, no coidado do fogar, etc.

OBXETIVOS ESPECÍFICOS:



PLAN DE IGUALDADE DE OPORTUNIDADES ENTRE MULLERES E HOMES DO CONCELLO DE BARREIROS ANO 2013/2016

- ✚ Concienciar á poboación de cara a mellorar a igualdade de oportunidades entre mulleres e homes.

- ❖ Actuacións:

- Organización de charlas informativas referentes á igualdade.
- Seguir coa celebración do Día da Muller Traballadora no concello mediante actividades lúdicas (proxección de películas, exposicións, concurso de poesía, charlas coloquio).

- ✚ Promover medidas de conciliación da vida familiar e laboral e corresponsabilidade.

- ❖ Actuacións:

- Programa de Educación Familiar.
- Programa Educando en Familia.
- Escola Infantil Municipal.

3.4. ÁREA DE ABORDAXE INTEGRAL DA VIOLENCIA DE XÉNERO.

OBXETIVO XERAL: Previr e abordar a violencia de xénero desde as súas diferentes causas, tipoloxías, manifestacións e consecuencias, así como garantir a asistencia e a protección das vítimas con actuacións de carácter integral.

OBXECTIVOS ESPECÍFICOS:

- ✚ Sensibilizar e concienciar sobre o problema que representa a violencia de xénero para o conxunto da sociedade.

- ❖ Actuacións:

- Celebración do Día Internacional contra a Violencia de Xénero (teatro, lectura de manifestos, proxección de película, charlas, cursos).
- Solicitud de actividades á Secretaría xeral de Igualdade.
- Adhesión ó protocolo de colaboración entre a secretaría xeral e a FEGAMP para establecer unha rede de entidades locais en contra da violencia de xénero.

- Colaboración coa Asociación VEA.
- Colaboración co CIM



PLAN DE IGUALDADE DE OPORTUNIDADES ENTRE MULLERES E HOMES DO CONCELLO DE BARREIROS ANO 2013/2016

- ✚ Asesorar e colaborar coas diferentes institucións na detección e abordaxe dos casos de violencia de xénero.

❖ Actuacións:

- Coordinación co Centro de Saúde, Garda Civil, CIM, Colexios, Escola Infantil,...

4. PRAZO DE EXECUCIÓN E AVALIACIÓN.

O prazo de execución deste Plan será desde decembro de 2013 ata decembro de 2016.

Para garantir o éxito do PIOM é fundamental asegurar a avaliación e seguimento permanente das accións que se realicen, valorando a consecución dos obxectivos formulados en cada unha das áreas de actuación.

Farase a primeira avaliación de seguimento ao ano da posta en marcha e a avaliación final ao remate do prazo de execución.

Isto permite coñecer e mellorar o impacto producido pola execución do propio plan.

Benestar social e saúde.

Formación, emprego e inserción laboral.

Educación, corresponsabilidade e conciliación.

Abordaxe integral da violencia de xénero.